

## SORGIÑKERIYAK.

Zer esanikan ez dakitala  
 Ez naiz oraindik arkitu,  
 Chorakerizko idurikorrak  
 Bear nituzke zatitu;  
 Asko badira begiyak ondo  
 Etzaizkatenak argitu,  
 Argatik nai det bear dan gaiyan  
 Sorgiñ kontua garbitu.

Asko lekutan izan oi dira  
 Sorgiñ diranak izenez,  
 Ta batez ere emakume zar  
 Bete diranak zimurrez;  
 Atso zar-aben eche aurretik  
 Pasa nai ezikan gaubez,  
 Arkitzen dira sasoi oneko  
 Emakumeak bildurrez.

Bada zergatik šiništen duten  
 Baldin galdetzen bazaiye,  
 Eranzuera arrazoizkorik  
 Iñoiz aditzen etzaiye;  
 Sorgiñkeriyai izugarrizko  
 Chinismen aundiya diye  
 Eta argatik gorputz guztira  
 Bildurra banatzen zaiye.

Iñozokeri oriyek orla  
 Ichuan šiništurikan,  
 Egon oi dira sukaldearen  
 Chokuan kuškurturikan;  
 Bada pendarra edo sulletan  
 Ez baldin bada urikan,  
 Eguna ondo argitu arte  
 Egoten dira utsikan.

Iñoiz geroko etorkizunaz  
Zerbait jakin nai badute,  
Atso gezurti oriyengana  
Joan ta galdetzen diyote;  
Gezurti oiyek preso sartzeko  
Aginterikan banuke  
Bear dan gisa garbitasuna  
Aguro egingo nuke.

Makal antzean jartzen badira  
Aurchoak zerbait etziñak,  
Ama gaiñoan esaerako  
Ez daude tripako miñak;  
Baldin buruki oiyan daudenak  
Badira lumaz egiñak,  
Esan oi dute an dabiltzala  
Aurrak gaiñotzen sorgiñak.

Sorgiñik ez da munduan eta  
Inchizurikan ere ez,  
Baizikan dira atso gaiñtuak  
Bizi diranak gezurrez;  
Bada chiniñmen oriyek galtzen  
Uste det dala chit errez,  
Aiñ errez nola estaltzen duten  
Zelaiyan artoa lurrez.

Zabal zizute emakumeak  
Zabal zizute begiyak,  
Gezur kontuak utzirik oso  
Aditu gure egiyak;  
Iñozokeri oriyek utzi  
Bear ditugu guztiyak,  
Galdu ditezen gure artean  
Betiko sorgiñkeriyak.

JUAN IGNAZIO URANGA.

